



**ATASSUT**

**UPA 2017/29**

**Mala Høyr Kúko**

**29. 04. 2017**

**Inatsisartut ataatsimiittarfianni ataatsimiinnerit, siumut aalajangersarneqareersumik annertussusilimmik, radiukkut aallakaatinneqartarnissaannik KNR-ip pisussaaffilerneqarnissaannik sulissuteqaqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut.**

(Siulittaasoqarfimmut ilaasortat)

ATASSUT-miit oqaatigiumasagut makkuupput siulittaasoqarfiup saqqummiusnaanut aalajangiiffisassaattut siunnersuummik Inatsisartut ataatsimiittarfianni ataatsimiinnerit, siumut aalajangersarneqareersumik annertussusilimmik, radiukkut aallakaatinneqartarnissaannik KNR-ip pisussaaffilerneqarnissaannik sulissuteqaqqullugit Naalakkersuisut peqquneqarnissaannik

Ataatsimiinnerit Inatsisartut ataatsimiittarfianiit tassaapput arlalippassuartigut aaliangersaaffiusartut, tassanilu qinikkat aaliangersugaqartarput qinersisartut sinnerlugit, taamalu tamakku aaliangersaanerit innuttaasut qanimut ulluinnarni atugaannut sunniuteqartarlugit. Tamanna pillugu pissusissamisoortuuvoq innuttaasut periarfissaqarnissaat Inatsisartut ataatsimiittarfianniit aaliangersakkat sammineqarneranni malittarinnissinnaanissaannut.

Ullumukkut innuttaasut periarfissaqarput toqqaannartumik KNR-tv-kkut malinnaasinnaanissaminnut.

Innuttaasut tamarmik periarfissaqanngillat tv-kkut toqqaannartumik ulluinnarni malinnaasinnaanissaminnut, taamaattumillu innuttaaqarterpassuagut aaliangersakkat paasisaqarfiginissaanut nutaarsiassaqaqtitsiviit aqputigalugit naammagittarfigisarpaat. Taamatut malinnaasinnaaneq ilaatigut nutaarsiassaqaqtitsiviit aaqqissuisoqarfiisa qanoq sammivileeriaaseqarnerat tunngavigalugu qalipaasersugaareertarpoq.

ATASSUT-miit pingaartipparput innuttaasut tamarmik assigiimmik aaliangersaavigineqartunut toqqaannartuusumik malinnaaqataasinnaanissaat, imaangitsorlu akunnermiliuteqqaarfiusumik. Taamaattumik ATASSUT tunngaviusumik periarfissaqartitserusuppoq radiukkut Inatsisartut ataatsimiittarfianiit malinnaasinnaasoqartariaqarneranik.

Tamassumallu aamma malitsigisaanik ATASSUT-mut pingaartuulluinarpoq demokrati-p aqqani nutaarsiassaqaqtitsiviit aallakaatitassaannut politik-erit inatsisiliortuussanngitsut sinaakkusiortuunatillu. Politik-erit taamaasillutik aamma akuleruttussaangillat nutaarsiassaqaqtitsiviit aaqqissuisoqarfiisa qanoq tulleriissaariaaseqarnerannut.

Taakku marluiti isummerfittut sumiiffiit imminnut assortuutinngillat, aamma Atassut-ip isumaaniit soqutigisaqaqtigiit tamarmiusut matumani matussuserneqarpullusooq.

ATASSUT-miit kissaataavoq radio-kanal-imik siunertamut ammaasoqassasoq, taassumallu allaffissornikkut aqunneqarfissaa ammassumik nutaarsiassaqaqtitsivimmiit suliariumannittussarsiuinikkut akisussaaffilerneqarnissaa qularnaarneqassaaq.

Taamaattumik ATASSUT allannguutissatut siunnersuumik apuussivoq, tassuunakkut pisinnaalersinnaaqullugu ataatsimiinnerit Inatsisartut ataatsimiittarfianiit siunissami malittarisinnaalersinnissaa.

Atassut matumuuna allannguutissamik anngussiumavoq:

Naalakkersuisut suliaqartinneqarneqarlutik peqquneqarnissaannut pissutissaqarpoq tassuunakkut nuna tamakkerlugu radio-kanal-imik ammaassillutik aallakaatitsisalernissaannut, taannalu atorneqassaaq toqqaannartumik Inatsisartut ataatsimiittarfianiit radio-kkut aallakaatitsinissamut, tamassumallu allaffissornikkut aqunneqarnissaanut nutaarsiassaqaqtitsivik ammassumik suliariumannittussarsiuinikkut qularnaarneqassaaq.

Qujanaq.